



Hmasawanna Thar

(A N I N D E P E N D E N T D A I L Y N E W S P A P E R)

Regd. No. RNI - 40917/89 | Postal Regd. No. MNP - 67

Daily & Direct Service
JIRIBAM / HMARKHAWLIEN
C/o Babita # 9862129273

Contact Numbers pawimaw :
DC/CCPur : 03874-234234
SP/CCPur : 03874-236747
Police Station : 03874-202248
SP Control Room: 03874-233239
Dist. Hospital Casualty : 03874-233370
Fire Brigade : 8974 147 799/
8258 057 887 / 8974 103 600

Hmasawanna Thar Vol - 32/183

Churachandpur

email : hmasawnnatharnews@yahoo.com

Phone: +91-3874-236846

Rs 6/- per copy

Minister V. Hangkhanlian in Seminar a hawng

CCPUR: North Eastern Council (NEC), Shillong sponsored-nain ni 2 sung aw ding "National Seminar of Forest for Sustainable Development in Manipur" ti chu zani 9:30AM khan Rayburn College Auditorium, New Lamka hmuna hawng a nih. Hi huna hin V. Hangkhanlian, Minister (Agriculture, Veterinary & Animal Husbandary) Chief Guest in a thang a, Professor Aadya Prasad Pandey, Vice Chancellor, Manipur University Professor; N. Mohendro Singh, Academic Adviser, Rayburn College le Rev. Dr. Khen P. Tombing, Principal, Rayburn College hai chu Guest of honour, functional president le Chief Host in an thang a. Guest han Candle sitvarna neini Seminar hi an hawng.



Kumar, Dr. A. Ningombam leh Dr. T. Basanta Singh han thupui hran hran hman-gin thu an hril a, Room 2-ah Dr. Ch. Tania, Dr. Kh. Rishikanta Singh, Aruna Beemrote, Dr. Romila Ahoijam, RS Telem, Dr. Thajamanbi Yumkham le Lalhrichhungi hai re-source person in an thang.

Pu V. Hangkhanlian chun "Suan Ni Maw" ti hla sak pum zinga thing-kung hai phurthluk chu thil inhmelo a nih tiin a hril a, Seminar hi dan siemtu hai ta dinga lampui kawkmutu a hung ni ngei a beisei thu, Manipur a BJP sawrkarin pasaltha hai ruong yui ngei a ni theina dingin hma a lak a, Chief Minister khawm hung inzin a nuom leini mipui hai ei inhawng a pawimaw a nih tiin a hril a. CCPur District lampui hai siemthata sin fe mek le hmantienga lampui dang dang hai siem pei a ni theina dingin survey thaw mek a ni a, sawrkarah DPR peklut ning a ti tiin a hril.

Functional President Professor N. Mohendro Singh chun, ram ei ti sunga um dinga pawimaw chu tui le thing le ruo an ni

CHANCHIN LAKTAWI

Ex-Servicemen Rally-a thang dingin

CCPUR: April 22, 2017 nia HQ IGAR (S) hmuna Assam Rifles Ex-Servicemen Rally um ding le in-zawmin Headquarters veng-a um 25-Assam Rifles Town Commander chun Rally-a hin Assam Rifles pensioner (ex-servicemen) hai chu a tam thei ang tak thang dingin a fiel a. Hi rally-a fe nuom hai ta dingin zing dar 6 in Sector Assam Rifles, Tuibuong-ah chuongna ding motor an daw ding a ni leini a fe ding hai chun hi hmun hi pan el dingin an hricttir.

ASHA worker ding mi 4 ruot

CCPUR: Village Health Sanitation Committee in ngenna an siem dungzui in Chief Medical Officer (CMO), CCPur chun PHC 4 haia ASHA worker ding mi 4 an khuo chita dingin a ruot.

Hi dungzui hin Henglep PHC hnuoia Kimme- ingak w/o Lamkhualian of Saimoulien chun Kimlaven hmun Saikot PHC hnuoia Tinhah w/o Paumuanlian of L Gangpimual chun Chinneilam hmun hluong a ta, Thanlon PHC hnuoia Ms. Chinzahat d/o Liankhpup of Bukpi chun Late Ching-kang hmuna hluo ding bakah Town Area hnuoia Nengneihing w/o Thong-tinsei of B venguo chun Chinneithem hmuna hluong a tih.

GAS NEWS

Agency : KIM JOE
Booking : 15th. Jan., 2017 to 15th. FEB., 2017
Delivery: 20-04-2017 (THU)
Time : 8AM-till stock
Stock: 306
Rate: Rs. 884/19kg. Rs. 1646

Agency : SAS
Booking : 16th. JAN., 2017 to 16th. FEB., 2017
Delivery: 20-04-2017 (THU)
Time : 8AM-till stock
STOCK : 290
Rate: Rs. 884

CCPur Police han hmun tum tum an dap



CCPUR: Mr Rakesh Balwal, IPS, SP, CCPur tupek dungzuiin zanikhan CCPur Police team chun CCPur khawpui sung hmun tum tum dapin drive an thaw a, phalna nei lo le khawlaia black-a Petrol zawr hai le Nganza (cannabis) le a zawrtu hai an man niin ei thu dawngna chun a hril.

Police team khat in zani zingkar tieng-a Drive an thawnaah Hmarveng-ah Petrol litres 22 an man bakah zani hmaza zan kham

April 22-ah Mass Mourning le Fasting prayer; Motor khalsuok lo dingin ngenna an siem

CCPUR: Joint Action Committee -Against Anti Tribal Bill (JACAATB) inrawinain April 22, 2017, 11:00AM a inthawk khin pasaltha hai sunna hmuna 'Salpha Pumbuk' CCPur hmuna movement ni 600 tingna Mass Mourning le Fasting Prayer hun hmang ning a tih.

Hi program hmang ding le inzawm hin tribal martyrs hai inzanain dawr, bazar, sumdangna le in-

Congress team New Delhi-ah

IMPHAL: MPCC President T.N. Haokip inrawinain Manipur Congress team chu zani hmaza khan Imphal suoksin New Delhi an pan a. Tuhin New Delhi-ah an cham mek a, Congress High Command ho-

Corruption a zung puma phawidawk le sukbona ding kawnga CM in Manipur mipuihai thlawp dingin a ngen

IMPHAL: All India Radio(AIR), Impfal Station huoihawtnain zanikhan Maharaja Chandrakirti Auditorium, Palace Compound, Impfal-ah "Yeningthagee Eshei"(Spring Music Concert) nei a nih. Hi huna hin CM N.Biren Singh khuo-lien in a thang a, Works, IPR, RD&PR, Commerce and Industries Minister Th.Biswajit Singh Guest of Honour in a thang a, National School of Drama, New Delhi Chairman Ratan Thiyam functional President in a thang.

CM N.Biren Singh in hi huna thu a hrilnaa chun Corruption a zung puma phawidawk le sukbo hmak a hung ni theina kawngah Manipur mipuihai chu thlawp dingin a ngen. Manipur mipuihai hi talent ei tlasam nawh. Nisien-lakhawm ei ram hi corruption hripuiin a man a, hi lei hin corruption dona



le sukbona dingah mipuihai ei thangruol a tul anih tiin a hril. Ka sawrkar chun inlangtlang takin sin thawng a ta, indik tak le thienghlim takin rorel ngei a tih. Inthlakhlangna hi mani senga inthawka inthan ding a nih. Development project thawna hai hrim

hrim a thlalak leh Government website-ah uploaded pei a ninaw chun pawisa peksuok ni ngai naw nih tiin CM chun a hril. Sawrkar hmasain Police Constable(Male) sin a lakna chungchangah khan nu le pa le candidates tam tak lungril himaw takin in um

ti ka hrict. Tuta Coalition sawrkar hin Police Constable lakna kha ennawn a ta, chu zova an hmatien-gin result puong ning a tih. Coalition sawrkar fe mek khawm hin State Security Personnel tam tak a lak vat ta ding a nih. Hi huna khawm hin corruptinon

thaw lo ding a nih. Corruption hi mipuia inthan niin ka ngai. Hmatienka hun la hung um dingah hin chu corruption insukhmu anawleh hril mawi nawng ei tiu tiin N.Biren chun ahril.

AIR, Impfal Station, Impfal mamaw le harsatna hai chu hung ngai pawimaw le hung bawzui dingin PM Narendra Modi le Union Information and Broadcasting Minister M.Venkaiah Naidu hai hung nawr vat ka tih. AIR, Impfal Station in PM in "Maan Ki Baat" Programe a thaw ang deua thla tin minute 15 sung a thu hril puonglang dinga rawtna le ngenna an siem chu CM hin ni raw seh tiin a pawm tu a hril.

State sawrkar chun Mumbai khawpuihai Manipur Guest House/ Bhawan bawl a tum. A bawl na ding hmun le hmang chu sawrkar hmasain a lo sukfel le lak tasa a nih tiin CM N.Biren Singh chun a hril.

Ralthuoma sumdawngtu mi 2 an man



CCPUR: Red Shield Division hnuoia Churachandpur Sector Assam Rifles- Veng Battalion chun April 15, 2017 khan Bungmual village ah ralthuoma sumdawngtu nia intum pasal pahni an man. Mana um hai chu Suankhan Khual (47), s/o (L) Kamkhenthang of Gouchinkhup Veng, CCPur district le Dalkhan Lian (38), s/o Gindo Lian of Gouchinkhup Veng, CCPur district hai an ni a, an kuta inthawk M-16 Rifle

Naupang damnaw tamlemin Hospital an suoksan tah



CCPUR: Boruok hung inthlakhling leini tuta hma hun iemanichena inthawk khan District Hospital-a Children Ward a chun naupang damnaw tam tak admit an ni a, tuhin chu naupang damnaw tamlemin han Hospital an suoksan tah.

Lethod shells 2 hmu



IMPHAL: Zanikhan hmuna hranah Lethod shells 2 hmu a nih. Lethod shell pakhat chu zani zing dar 5 vel khan Moirangthem Helendro of Lamlai Awang Leikai in huongsungah hmu a nia a, pakhat dang chu Ahoibam Deben Singh of Lamlai Mayai Leikai in gate bulah hmu a nih. Deben hi Ksh. Biren Singh a active worker a nih.

Tlangram Lo nei dan thlakhlang a tul: Dy. CM

IMPHAL: Zanikhan College of Agriculture, Central Agricultural University (CAU), Iroisemba hmuna Agricultural Inputs Distribution function nei a ni a, hi huna hin Dy. CM Y. Joykumar Singh chu khuo-lien in a thang.

Manipur tlangram lo nei ei la uor a, tlangram lo nei dan hin mihriem hriselna a sukset bakah ram nasa takin a sukpaawn a nih. Hi lei hin tlangram lo nei dan (Shifting/Jhuming Cultivation) hi method danga ei



thlakhlang vat a tula nih. Method thar ei hmang chun bu le bal ei tharsuok hung pung a ta, ramhmang

le environment ei humhal thei bawk ding a nih tiin Y. Y. Joykumar Singh chun thu a hril huna a hril.

Rul in a chuk hliem naupang an sanhim



IMPHAL: 9 Sector Assam Rifles-a 2-Assam Rifles Medical Team chun April 18, 2017 khan Thoubal Kshetri Leikai-a an In bula an hnel lai Rul in a chuk hliem chu Rul tur thatna damdawi pein an sanhim. Nuhmei naupang Rulin a chuk hliem hi Roshni (6) a ni a, Rul in a chuk zo hin 2-Assam Rifles Unit hospital panpui a ni a, chu huna Rul tur thatna damdawi hi pea a hringna an sanhim a nih. A hnungin naupang hi District Hospital, Thoubal-ah admit a nih.

MOBC Post Matric Scholarship

IMPHAL: Minorities & Other Backward Classes (MOBC), Manipur chun kum 2015-16 a Post-matric Scholarship chu phase 3 in a samsuok (e-disbursement). Phase 1 na chu 13-4-2017 in a sem a, students 131 pek an ni a, phase hnia 17-4-2017 in Students 229 le phase thumna 19-4-2017 in students 244 hai kuomah a pek. Phase khatnaa sum a sem hi Rs. 10,53,280 a ni a, phase hniaah Rs. 20,33,620 le phase thumnaah Rs. 19,98,650/- a peksuok.

Schemes/Projects haiah DBT

IMPHAL: India sawrkar remruotna angin Manipur a khawm state sawrkarin a enkawl Schemes/Projects poah kum thar (April 1, 2017) a inthawk Direct Benefit Transfer (DBT) hmang tan a ni ta leini Department tin in register ding le lo thei lova PFMS module hmang dinga ti an nih tiin Principal Secretary (Finance), Govt. of Manipur chun 18-4-2017 khan Office Memorandum an suo.

Subsidy a inchawk thei

IMPHAL: Rashtriya Krishi Vikas Yojana (RKVY) le Pradhan Mantri Kashi Sinchayee Yojana (PMKSY) hnuoia Tractor, Power Tiller, Diesel Pump Set, Paddy Trans Planter, Knapsack Sprayer, SRI Marker le Canoweeder hai chu loneituhai ta dingin Subsidy a inchawk thei a nih. Inhnika neihai chun 24-04-2017 a inthawk Application form District Agriculture Officer/District Training Centre, Directorate of Agriculture, Sanjenthong, Impfal-ah lak thei le fill up zovin Application Form hi 10-05-2017 chena peklut thei ning a tih.

May 1 a inthawk VIP motor-ah 'red beacons' a banned

NEW DELHI: May 1, 2017 a inthawk Central sawrkar hnuoia Ministries le officials hran hran han an official motor haiah 'red beacons' hmang phal ni ta naw nih. Hi thil hi zanita Union Cabinet meeting in VIP culture suktawpna dinga official cars chung haia Red Beacon sie hlak chu suktawp dinga an suktluk a nih. Hi dungzui hin President, Vice-President, Chief Justice of India le Lok Sabha Speaker hai khawm huom vawng a ta, emergency thila hmang hieng fire engines, ambulances le police motor hai ruok chun 'blue beacons' hmang thei



thung an thil. Tuta hmaza Cabinet meeting huna khawm Prime Minister Narendra Modi chun 'VVIP culture' chu suktawp tha a tiu a lo hril ta hrim a ni a. Khawpui police han 'barricades' inbukin mi pawimaw hai fena dingin

ngaiwen a hlaw hman hle a nih.

Liemtah kum 2013 khan Supreme court chun constitutional authorities neituhai chauin 'beacons' hmang phal ding le, midang hai chu khap vawng dingin rawtna a lo siem tah a. Hi thu le inzawma thu fe peini, PM chun 'lal batti cars' hmang suktawpna dingin meeting hi a hung ko tah nia hril a nih.

Chief Minister dinga thlang thar pahni- Uttar Pradesh CM Yogi Adityanath le Punjab CM Amarinder Singh hai chun 'beacons' hi an lo hmang ta naw hrim a nih. (NDTV)

VAWISUN THUPUI

Lalpan, ‘Van ka thungpha a na, Hnuoi ka kepha innghatna a nih In iengangin am mi bawl pek in ta? ka chawina hmun khawm iengam a na?’

- Thlithhawhai 7:19

Editorial

Nei bakin

Khawvela rambung tum tuma sawrkar tin thiltum chu intodel, hmasawn le changkang a nih. Hi lei hin rambung hran hran a sawrkar cheltuhai inelna tak chu intodel, hmasawn le changkang a nih. Hi inelna hi inelna tha takel a nih. Inelna a um naw chun ram in hma a sawn thei naw a, intodel le changkang chu thil harsa tak a hung ni hlak. India sawrkar khawmin rambung changkang le hmasawn tasa hai a hang el ve a, tuhin chu rambung hmasawn mekhai lai a hung thang ve phak ta a nih. India sawrkar in a hriet zing dinga tha chu a nei bakin thil hung thaw pal a tih ti hi inlau a um takel a nih. Nei baka che le thil thaw hlak rambunghai hrim hrim chu an tuse hlak.

Kum 1991 vela USSR tlusietna kha ei la hriet seng awm ie. Khanganng khawpa ram lien le ropui, Super Power neitu ni si a hang tuse rup el kha khawvel mak ti le sukbarakhaitu nasa tak a tling a ni kha. USSR tlusietna san kha a san tam tak um ngei a tih. Amirokchu, a san bulpui tak chu a nei baka a chetna kha a nih. Ralthuom tiengpangah USA a er nasa taluo a, ralthuom tha tak tak inchawka dingin a nei bak sum a hmang ral nasa taluo a, an ram economy a hung tlase a, rambung inthuruol taka um kha an hung kawidar a, rambung hran hran in an hung in thedar pha a ni kha.

USSR ram kha a lien hle el si a, khawpui ngirhmun le thingtlang tieng ngirhmun a hung inthlaw hle a, mipui tam lem chan a hung se nasa hle leiin helna lungril le inlakhran nuomna a hung lien tuol tuol a, hmasawna an khuongruol naw nasa taluo leiin hnam hran hran hai beidawngin independent ram ni an hung nuom a, Commonwealth Independent State, hnam tum tum han an hung ngen a, hi lei hin an ram chu independent state a hung in thedarin rambung tum tum in an hung um tawl ta a nih. USSR Sawrkar kha a nei bakin thil thaw nawsienla, an ram inpukhatna ding kha ngai pawimaw hle sienla chu in thedar lovin um an ta, rambung ropui tak an la nizing ding a nih.

India rama khawm sawrkar thar a hung um a. Central-ah BJP thuoina hnuoi ah NDA sawrkar a hung um a, NDA sawrkar hmasawp hi a lien hle. Policy le Programme thar chi tum tum a hung siem rawn hle a. Hieng thil hai po po hi ei ram sum nei bak a thaw a ni chun ei thapui nekin ei sietpui lem dim ti hi ngaituo chet chet a thul hlein an lang. A bat batin thil thaw a ni naw chun, khawpui le thingtlanga chenghai inkar hi a hung inkhuongruol naw a, a hung inthlaw taluo pei chun ram inpukhatna thil ngawng se naw nih ti thei a ni der nawh. Khawvel rambung tum tum han inthedarna an tuok hi tuok ve thei ngai a nih.

Sawrkar chau ni lovin mimal, suongkuo, khawtlang, kohran le pawl thila hai khawm mani nei tlin baka chet le thil thaw hi um nei ngai a nih. Ei nei bakin thil ei thaw pha pha leh sietnain a mi hung delzui ding a nih ti hi hriet tlat ding a nih. Ei pawisa bawm a ruok ti ei hriet hnung khawma pawisa hmuna ding ei zawng chungong naw a, mi hai hmuhawia inlang that le mawina ding chawu thil ei thaw zawm pei chun ei hmabak ding chu tlusietna a hung ni tho tho ding a nih. Ei society sunga thil ei thaw dan hai hi ngaituo chet chet tui tam tak a um niin an lang. Tharum le inphutluina a ni chie nawa chu, ei pawisa or thawlawm daw dan kalhmang hi an dik takpa chu niin an lang nawh. Hi lei hin ei thil thaw dan hi ei ennawn a tulin an lang.

Incheina, inlirthei inchawka, mobile phone hmangna le ei chet nuom dan hai khawm hin ei nei bakin thil ei thaw ngam niin an lang. Damdawi man ding nekin incheina thil inchawka dingah pawisa hmang ei ngam huoi lem. Hieng ang bawh hin inlirthei khawm hi ei insung intodelna ding nekin ei ngai pawimaw lem an naw mani ding ti thei in um. Inlang mawina ding annawleh fashion chi khatah ei hmang khawm a hawi tah. Mobile phone khawm a pawimawna taka hmangna tieng nekin nuomsip thawna (luxury) tiengpangah ei hmang rawn lem niin an lang. Ei sum nei bakin mobile phone bu manah sum ei hmang ngam ta a nih.

Hmangkaw naah meiin a kang hlum

AIZAWL: Zanikhan Kolasib Hmar Veng mi Abraham Lalhriatpua (40) chu Loa hmangkaw naah changsuolin meiin a kang hlum.

Ei thu dawngnain a hril danin Pu Abraham Lalhriatpua hi a ruolpa Pu Lalhunpua hai loa hmangkawa sinthaw an ni a. Chu hunah lo Abraham

Lalhriatpua hi lo intenna lai changsuolin an kui/hlum a, chu hunah hmangkawna thil an raw na meiah an hlum lut leia mei hin a kanghlum nia hril a nih.

A ruong hi zanikhan Kolasib District Hospital ah post-mortem thaw a ni kha, hi zo hin Kolasib Hmar Veng thlanmuolha a ruong hi vuiliem ngal a nih.

Editorial Board

Lalmalsawm Sellate: Editor & Publisher

Roding L. Sellate: Jt. Editor

Ramditum @ Rama Ralsun: Asst. Editor

Lalsansuok Pulamte & Samuel Zothanglien@SZ Zote: Sports

Joseph Joute: Freelance

Lalruotlien Dulien: Computer Assistant

Edited & Published by Lalmalsawm Sellate at HT Office, Lighthouse Lane, Churachandpur and Printed by him at Lamka Super Printer, Vengnuam, Hiangtam Lamka, CCPur, Manipur.

ARTICLE/HEALTH & EMPLOYMENT NEWS

KUM SÂNG LAL RAM THARA CHUN

-L.Ruoivel Pangamte
(9862402286/7005244412)



Ni khat chu ka mobile-phone a, Upa Bieka sermon ka khum chu ka ngaitlak a. Upa Bieka titi hi ngaiuomom ka ti hlak a. A sermon khawm ngaiuomom ka ti hlak. Isai 65: 23 thu hi a tiem a. “Vangduoina el dingin nauhai nei naw ni hai” ti thuchang tak hin ka ngaituona a kei fan a. Naletehai hi Lalpaa inthawka ei rochan, a lawmman mi pekhai an nih ti Bible-ah ziekin a um a. Khingtieng pangah, nulepahai ta dinga “vangduoina” intluntu, nulepa suzkaktu, sukmuolphotu le sukaptu an ni nawk hlak baw si! A va hei inkal de aw...!

Dr. P C Lalmuana (a thlarau hadam takin chawl sien), a damlaia a titi ka hrietzing chu, “Ka naupang lai po po, nu le pa thu awiin, an lawmwang ding zangngin ka khawsa ngat ngat hlak a. Nuhmei neiin nau ka hung nei a; nuhmei le nauhai lawmwang ding zangngin ka buoi nawk char char a. Ka damsung ni hi, mi lawmwang zangngin ngaituona ringawtin ka hmang zo ding a ni awm...” a ti chu a nih. Nau le nau hi, ei va’n thlaw tawl ngei deh!

Pu Lalmuana kha mi vangnei tak niin a’n lang. Mani lawmwang le inhawitizang chaw zangngin lo a, mi lawmwang ding zangngin chu mi vangnei an ni naw thei si nawh. Lal Isu’n, “I hmelmâ hmangai rawh” a ti dam hi ka ngaituo hlak a. ‘Hmelmâ hmangai’ nêka intak lem hi chu tam nâw vieu dingin, ka ring. Mi’n a hmelmâ meuh a hmangai thei ta chun, khawvêl hi a ta dingin, ‘vanram tla fuol’ nipêk naw thei naw nih!

Keima tawk tawka Pathien Thu ka buoi pui ve hlak laia pakhat chu, Lal Isu’n, “Nang le nang i’n hmangai angin i vênghai hmangai rawh” a ti hi a nih. Kei hi mi hrisel lo em em el ka ni hlak a. Nuhmei nau nei hman dinga ka dam phak khawm hi ka ring ngai nawh. Ka phing hi a na zing zing hlak a. Kei le kei hi, lungsiem ka’n ti thei hle.

Iengtin tin amanih lekha ka hung inchuk ve tawk tawk a. Pathienin ka lekhai chukna sunzawm thei dingin lampui a ni siempêk pei a. Rev. Dr. Rochunga Pudaite hai nupa rawngbawna zâr zovin, Tuition Fee chaw lovin, Siemat Christian High School-ah Pawl 9 le Pawl 10 ka’n chuk zo thei a. Ka College kai ding le ka u Lalpingh-in Registered Nurse a hung inchuk zo a’n ruol a. Ka U le Pa Pathien zâr lieu lieuvin, MA chen inchuk zo thei in ka um ta pei a. Pathien hi chu ka ta dingin a tha a nih...

Hrisel naw taka ka um laia ka lungril mitthlaa cham zing hlak chu, ka pute L.Kiemlo Pulamte hi a nih. Ama khawm, TE Paul High School-a Headmaster sin a thaw lai chun, hrisel ve lo deu el a ni hlak a. Amirokchu, a’n sum hrât lei a, damkhawsook a ni thu mi’n an hril chu ka lungrilah ka vawn zing hlak. Insûm hrât leia dam thei ding a ni phawt chun, ka’n sum vê el ding annawm tiin thutlûkna ka siem a. Ka pute L.Kiemlo Pulamte nun khal dân entawnin, ka nun chu ka khal tan ve tah a. Vawisun chena hring le dama ka la um hi, Pathien mi lungsiem zâr le Pu Kiemlo nundân ka’n chuk that lei niin ka hriet.

Pathien hmangaitu tak tak chun, a taksa a hmangai naw thei ngai nawh a. Pathien titu tak tak chun, a hriselna a ngaitu thei ngai bawk nawh.

Pa pakhat hi a nuhmei a thisan hnungin, an naupasal neisun chu nu le pa fawmin a enkawl a. A nauvin mi inhnar rawi a tih ti a’n lau leiin, a thlum a hang le a thil dâhai, iengkawm fak ngam khur nei lovin, a nau a hmangai leiin rinumna le harsatna tinrêng a tuor muolso vawng hlak. A lãwn thei hmã po, a bãna pawmin, a ruongzangah a’n beitr hlak a. A hung inthanglien pei a, a kuta chelin, a liengkovah a’n chunon nawk hlak. A hrât lai ni le a that lai nihai chu, a nau enkawl na’n a hmang zo thak a. Tar a hung ni tah a. A nau pa khawm chu hung inthanglien pein, a pa’n inrim taka thlantui phul kuong kuonga lekha a lo inchuktirna ra chu sikin, Officer sin a hung chel tah a. Nuhmei neia nau neiin khawsak a hung rêt ve thei tah a nih. Ngirhmun insang thal chel a ni leiin a nuhmei khawm hril hat hat khawpa hmêltha a nih a. A pa chun a lãwmin a nau pa chu a suong em em hlak.

Hun a hung inher liem pei a. Nau enkawl naa a hrât na po po lo hmangzotupa chu putar hrâtlo a hung ni tah. Tuhin chu enkawl ngai le bawisawng ngai a hung ni ve tah a. Harsatna le beidawngna a tuok chang a, a phurrik phurpuitu ding le harsatna tui fawnin a lèn chang khawma a’n chelpui ding, kawppui thar

khawm zawng nuom lo a, a nau pa inchuktheina ding le ruol a’n hnar nawna ding a, a theina po po sua lo inperuok thak hlak kha a nih a. A sin inrimna le a kumin a kei kùr ta leiin, a chan chu a ni tlein a hung se ta deu deu a. A sawpui em em a nau pa hlak chun, a pa’n a rimsikpuina po po kha, a thaw ding hrim thawa ngaipek, a pa chu phurrikah a hung ngai tan lem ta tlat el!

Sawrkar milien le sin pawimaw chel a ni leiin, ina khawm a um mumal hman ta naw deu deu a... A nuhmei hlak chu a hmêlthat puot bak chu kaw dang neisa lo hi a lo nih a. A pasal inzîn kãrin, a nu le pahai inah a lo riengkhang zing zing hlak. A tarpupa tãr tak el chu amã chauvin a lo maksan hlak a. A tarpupa hlak chun iengkawm a hril ngam baw si nawh. Hril a hei nei met hlak chun, a nãw nawin, a pasal kuomah a lãwt nãwk hlak baw si. A pasal hlak chun, mi tamtak thaw hlak angin, a pa tawng nek in a nuhmei tawng chu a pawm lem hlak si a...!

Ni khat chu a nau pa ta dinga inpe ruok thak hlak, putarpa chu a nau pa’n ‘Tar Siena In’-a sie dingin, a thuo suk ta a. Tarpa chun a zuk ngaituo kir a. A nuhmei in a thisan inthawka ran netuena a lo chãwmlin, zãn tamtak khawvar zak zaka a lo buoi pui hlak, lãwn a’n chuk laia a lo chelngir hlak, a imu a suok chãnga a lo puok hlak, a phing a tãw chãng a, bũ a lo vai hlak, ruol a’n hnar inlauva, nisapui, ruopui le thlipui hnuoi sin inrum thaw a, a lo enkawl puiting a nãw chun, a enkawltu le hmangai taka lo sukpuilingtu a pa nêka a hmangai lem le a sie pawimaw lem, ‘mi dang’ a lo nei ta baw si... Hi putar hin a ‘mo’ hi a thik nawh a, a theidã bawk nawh.

Amirokchu, a bãnhai chu a zuk en a, a tãwmin a lo vuoi zo tah a...! A khup thahai le a kãwng thahai khawm chu an lo thum zo tah. A nauvin chel le pawm a mamaw chãnga a chelna le a pawmna bãn thahai khawm chu a lo chãw zo tah a. A nau a’n chuonna liengko thahai khawm chu a lo thunawp zo tah. Ni danga nau a puokna ruongzang tlin zut khawm chu a lo inkum zo tah a. A mithai khawm chu, tarmit sã tak hnungah khawhmũ inphie ruoiã meng uou uou chauh an lo ni tah.

A hmangai em em a nauvin, a nuhmei suklãwmna dinga a pa putar, Officer lien tak a kai theina ding a, rinum ieng ang khawm lo tuorhuom hlaktu, tar siena ina a sie lüt zo hnunga a kirsan lai chu, putar chun ngakirin a la hei en tãwk tãwk a. A hmu nuhnungtakna dingin a nau hmêl chu a la hei en tãwk tãwk a nih. A ta dinga a hlut angin a nau ta dingin ama hlak chu a hlu zo ta si nawh a. A tarmit hnunga a mit chãw tak el hai chun, fielo ruoiin thei le theilovin an la hei en tãwk tãwk a...

Nũ le pa chu an mãwlin an lo changkãng naw khawm a ni thei. An hrãng a sein an mi lo sukzak zing zing hlak khawm a ni thei. Ei lungril le an lungril a lo inangnaw a, ei thati le an thati a lo inang naw a ni khawmin, ei nulepa chu ei nulepa an ni tlat leiin, ei suknawmnat a, ei suknawm hi a thieng naw hrim hrim a nih. Ei lungawinaw leia an lawmwang thil ei lo thaw nuom naw a ni khawmin, an theidazang le an lungril natna ding thaw chu, Pathienin a awinaw hrim hrim el a nih.

Thenkhatin an nu le pa an hmusit dãm hi, iengkim chungã Thuneitu hin a pawmzãw ngai nawh ti hi, hriet a va hei pawimaw de aw...! Jake nau pa Agur lem chun, chungong ang mi hai chu, ‘phairuom vaãk haiin an mit kheldawkpêk an t’a; mulukawl haiin an sa fa’ng an tih’ a ti thlawt el a nih. Nu le pa hmusit a, an thu awinawtũhai chan a siet em em laiin, nu le pa thu awitũhai chu an hmuingil em em ding a nih ti Pathien Thu chun, chieng takin a hril a nih. Tãwngsephur am i nuom, hmuingil? I dit lem thlang raw leh. Tlãnsuokna dang a um nawh.

Lal Ram Thar a la hung ngirsuok ding a nih a. Chũ huna chun, mi haiin vangduoina el dingin, nau nei ta naw ni hai! Nauvin nu le pa thase ngawi ngawia an inumtirhai ka hmu chãng hin, Kum Sãng Rorel hung tung ding hi, a mi’n ngakhla zooltir hlak. Chũ huna chun vangduoina el dingin, mi’n nauhai an nei ta naw ding a ni si a!

MSU GHQ tha an ti nawh

AIZAWL: Mizo Students Union (MSU) GHQ chun Tribal Scholarship, 2017 semdawktu dinga sawrkarin IndusInd Bank hmang an tum chu tha an tinaw thu Chief Minister Lalthanhawla kuomah anitlum. MSU in Chief Minister kuoma lekha an thawna chun nikum khawm khan Scholarship chungthuah IndusInd Bank Manager chun sin a sukbuoi a, scholarship tiengpang an taww nuom tanaw thu MSU thuoituhai kuoma a lo hril ta thu an zieklaw bawk.

Railwaymen 500 chungong han ramdangah training

NEW DELHI: India rama Rel hrat chi (high speed train) darkar khatah km. 160-200 a hla tlan thei ding chi hai intlan tir tumna le inzawmin Railway department chun thawktu (railwaymen) hai training tha taka pek a tum a, hi le inzawmin hin China le Japan ram haiah railway thawktu mi 500 chungong training-a tir a tum.

LYF GHQ Diamond Jubilee

CCPUR: Manipur Evangelical Lutheran Church (MELC) hnuoiã Thalai Pawl, Lutheran Youth Fellowship (LYF) Gen. HQ chun April 21-23, 2017 inkar sung khin “Along With Jesus” ti thupui hmangin MELC HQ Church, Zomi Colony-ah Diamond Jubilee hmang an tih. April

YPA Unit election zo

CCPUR: Young Paite Association (YPA), New Lamka Block hnuoiã Unit tum tum 12 hai term bo le inzawma April 12, 2017 a inthawk kum 2017-19 sunga thuoitu thar ding thlangna a dawt dawta elec-

tion neia um chu zanikhan zo a nitah. April 18, 2017 nia YPA Vengnuam Unit election nei dinga ti mithi um leia nei thei lova a um leia zanita hi Unit-a election neizo a ni hnunga unit election hi zanita zofel a nih.

Meghalaya BJP in Executive Committee-ah 12 laklut thar

SHILLONG: Meghalaya-ah BJP chun kum 2018-a state Assembly Election hung um ding le inzawmin tribal executive members 12 lalutin state party Executive Committee a siemtha. Hieng mi 12 hai hi zani hmasa zantienga party meeting huna laklut an nih.

State BJP President Shibun Lyngdoh chun Executive members 16 thlang thar hai lai hin tribal ni lo (non-tribals) 4 chau an um niin a hril a. Kum 2018 Assembly Election hung um dingah Assembly seats 60 haiah BJP chun candidate nei vawng a tum leiin executive committee-ah tribal member tamlem a mamaw thu, tulai hnaia Bhubaneshwar

hmuna BJP National executive meeting huna khan tribal leaders a tam thei ang tak executive Committee-a laklut an ni theina dingin state executive siemthat theina thuneina pek a ni thu Lyngdoh chun a hril.

Tulai hnaia BJP zawm thar MLA hlui Edmund Sangma le JA Lyngdoh hai chu state BJP Vice President le Spokesperson a ruot an nih. Executive Committee-a laklut thar hai lai hin Khasi Hill Autonomous District Council a EM ni lai Neil Antonio War khawm a thang a, Vice President Gagan Jain chu executive member-a thumhnuoi (demoted) a nih tiin Lyngdoh chun a hril. (PTI)

TN-ah School chawl puong: Telangana-ah summer chawl

CHENNAI: Meteorological Centre in Chennai khawpui thanga state sunga districts 20 haiah ni 2 sunga boruok lum a zuolkai ding nia an brillawk leiin school kai inchuklaihai hmakhuo ngainain state sawrkar chun April 21, 2017 (Zirtawpni) hin State pumpuiah school hai khar/chawl dingin a puong. State education chun chawl puong lovin student hai fimkhar dingin thurawn a pek a, sienkhawm zani hmasa khan school education minister KA Sengottaiyan chun, April 21, 2017 hin Schools hai khar dingin an hrietir tawl.

Hieng laizing hin Telangana-ah chun tulai hin boruok lum nasa taka a zuolkai leiin state sawrkar

chun kum dang neka inhamain zanita inthawk Khan Schools hai ta dingin Summer holiday a puong. Academic calendar dungzui chun Summer holiday hi April 24, 2017 a inthawka ding a nih. Mipui hai khawm nisa lum hnuoiã um lo dingin thurawn a pek bakah a bikin sun dar 11 le zantieng 4PM inkar sung chu a thei chinah nisa lum do lo dingin thurawn a pek.

Telangana a chun tukum sung hin boruok lum tuorzo loa mihriem thina tuok 37 an tling tah. Adilabad le Mahabubnagar haiah lum hi a zuolkai a, zanikhan Mahabubnagar lumna chu 44 degree Celsius a tling phak a, Hyderabad a chun 42 degree Celsius a nih.

Assam CM constituency-ah pasal pakhatin a unaupa ruong Cycle in a phur



GUWAHATI: Odisha state-a tribal mi pasasal pakhatin a nuhmei thisa ruong phurna ding motor a hmuzonawnaw leia a dara a put leia mipui ngaven le ngaimaw nasa taka a hlaw hnungin Assam Chief Minister Sarbananda Sonowal tlingna biel a Majuli hmuna chun pasal pakhatin a sangpa kum 18 mi thisa ruong cycle in a tawl a. Hi thil hi vicle-ã thedar a ni leiin ngaven a hlaw hle a, local TV channel-ah hi thil thung insuo a ni zo sawtnawte hnungin Mr Sonowal chun suizui dingin

order an suo leiin Health Official hai chun inrang takin hi thil thungna hmun hi panin thil umdan an enfel.

Official han thil umdan an va enfel hunah mithi (Dimple Das) hi cycle-a phura Thawtanni-a kha Hospital an hung panpui a ni a, sienkhawm damzo lovin a thi a. A thi hnung hin a ruong thakna ding hospital thuneitu han Van an ko a, sienkhawm motor hungtlung hmian a sung hai hin a ruong hi cycle-a kithlawma an lo phur a nih ti hriet a nih.

ALL INDIA RADIO: CHURACHANDPUR PROGRAMME		
Date: April 20, 2017 (Ningani)		
TRANSMISSION- FM-101.4 Megahertz		
Hours	Studio/	Programme
4.53pm	CR/P	Signature
4.55pm		Vande Mataram, Time Reading, Opening Announcements & Mangal Dhvani
5.00pm	P	Hymns to God : (Paite) Chingngailhian
5.05pm	P	Local Announcement/Prog. Summary
5.10pm	P	Minor Dialect (Simte): H. Thangminlian & party (dev)
5.25pm	P	Science Hints: (Paite) Halitosis-badh breath by Dr Chingnungiam
5.30pm	P	PAITE Prog. Sig. Tune & Announcement Announcer: Nemhauching 1) Listener's Choice devotional songs
6.00pm	P	HMMAR Prog., sig. Tune & Announcement Announcer: Elizabeth 1) Lorinda Varte (mod) 2) Lalsanglien Zote & partner (mod)
7.00PM	P	THADOU Prog., sig. Tune & Announcement Announcer:Lamneihing 1) Listener's Choice devotional songs
		Farm & Home: Paite 1) T. Khampu (mod) 2) Talk: "Pineapple cultivation a means for income generation" by P. Khamsanglian

tlantir dan ding lampui a dap mek a nih.

Hi lei hin intlantir a ni hmian officials han training tha tak an lo nei hi a tui a nih tiin senior railway ministry official chun a hril. India rama khawpui lien zuol le traffic intar zuolna haiha high speed train intlantirna ding hin Railway chun Mission Raftaar a lo tlangzar ta nih.

High speed train service ding le inzawm hin thawktu 550 vel ramdanga training dinga tir tum a ni a, first batch-ah mi 40 hai chu Chengdu, China ramah high-speed rail technology training-a tir an ni a, Japan ramah officers 20 in training an lak ta a, 38 dangin training an nei mek tiin railway official thusuok chun a hril.

LAKTAWI

Advani, Bharti le Joshi hai Court-a inlang ding

NEW DELHI: Kum 1992 a Babri masjid demolition case-ah thu phierruknaa in-lawlna neia intumna leini BJP leaders L.K. Advani, MM Joshi le Uma Bharti hai chu Court hmaah an inlang a tul ding a nih. Hi thil hi CBI in hi case-a ngenna a siem Supreme Court in a remti pek leia court-a an inlang a hung tul ding a nih. Hi case hi hun sawt tak rel fel lova pending-a um ta a ni a, case sukfelna dinga CBI in hieng BJP leaders hai Court hmaa inlang phal pek dinga a ngen a nih.

Kashmir-ah helpawlnan bank an rawk

SRINAGAR: Kashmir-a Shopian district-a chun zani sun dar 11 vel khan Harmain hmuna Jammu and Kashmir Bank branch an rawk a, pawisa iemanizat an lakhmang tiin Police official thusuok chun a hril. Pawisa inrukhang zat chie hi hriet a la ninawa, Bank officials han an en-fel mek.

Srinagar election buoina leia thi 9

SRINAGAR: Jammu and Kashmir a chun Srinagar Lok Sabha constituency byelection huna buoina le tharum insuona tung leia hliemna tuok SKIMS Hospital-a enkawl mek chu zani zingkar khan a thi nawk leini tuchenah Srinagar byelection-a thina tuok chu 9 an thing tah. Thina tuok nawk hi Muzaffar Ahmad Mir of Kulgam district a nih. April 9, 2017 nia Ganderbal-a Barsoo hmuna inbeituona tungna hliemna tuok a ni a, awm le ke haiah silaimu in a dengfuk a nih.

SM Krishna tupa in congress a zawm

NEW DELHI: External Affairs Minister hlui le thang 5 sung zet congress members le thuoita a ni hnunga SM Krishna in congress maksana BJP a zawm hnungin, zanikhan a tupa Dr. Nirantra Ganesh in congress a zawm ve thung. Dr. Ganesh chun Karnataka Pradesh Congress Committee (KPCC) Working President Dinesh Gundurao hmaah congress a zawm a, Dr. Ganesh in congress a zawmna chu a lawmpui hle thu Gundurao in a hril. Dr. Ganesh chun congress a zawmna dinga mawrtu tukhawm an umnaw thu a hril a, Siddaramaiah sawrkar hmalakna a lawm thu le congress party programme hai chu tha a ti leia ama nuomthua zawm niin a hril. AICC President le Vice-President haiin an lawmlutna thuah lawmthu a hril a, mirethei-hai a tlawna a enkawl hlak thu le hmatyeng peia a la sunzawm ding thu a hril.

Peru-ah simkhwalei an hning

LIMA: Peru-a Amazonian region a chun zanikhan 6.0 magnitude a hratin simkhwalei an hning a, Colombia le Ecuador hai chen a sawihning phak. Ecuador-a Richter scale 7.8-a hrat simkhwalei an hning leia mi 700 deuthaw in thina an tuok champha an hmangzo nikhat hnunga simkhwalei inhning hi hung um nawk a nih.

Inban nawng ka tih: Uma Bharti



NEW DELHI: BJP leader le Union Water Resources Minister Ms Uma Bharti chun, Babri Masjid demolition case-ah thuphierrutu nia intumna le inzawm hin sukchiengna iengkhwam a umhaw leini Minister ka ninaw inthawk inban nawng ka tih tiin a hril. Supreme Court in Babri Masjid demolication case-ah BJP leaders L.K. Advani, Murli Manohar Joshi le tuta Rajasthan Governor ni lai Kalyan Singh le

BSF Jawan Tej Bahadur Yadav a sina inthawk ban



NEW DELHI: Tuta hma meta social media haia an regiment-a BSF jawan hai fak dinga bu le hme peka um hai a tha tawk nawh tia sawiselnha thu a thlak le thedaru BSF Jawan Tej Bahadur yadav chu a sina inthawk ban a nitah. In-tumna le sawiselnha a siem le inzawma internal inquiry thaw a ni hnunga a sina inthawka ban a nih. Tej Bahadur Yadav hin January 9, 2017 khan a posting-na Kashmir-a an regiment-a fak le dawn


Dam sunga intang ding 24 insuo dingin

GUWAHATI: Assam state sunga District le Central jail tum tuma damsunga intang dinga thiemnaw chang mi 24 hai chu insuo dingin zanikhan Assam Home department in thusuok a siem. Damsunga intang dinga ti, insuo ding hai laia an tamna tak chu Tinsukia le Silchar district jail a intang niin, hieng jail 2 haia inthawka insuo ding hai chu mi 4 ve in a nih. Thiemnaw chang insuo ding hai lai hin nuhmei khawm an thang ve a, jail danga intang insuo ding hai chu hieng a hnuoia ang hin an nih.

Pak. Army Chief in helpawl 30 hai sukhlumna ding

ISLAMABAD: Pakistan Army Chief Gen. Qamar Javed Bajwa chun zanikhan helpawl 30 hai sukhlumna dingah hming a signed. Hieng sukhlum dinga an chungthu rel laia thenkhat chu kum 2014 a Peshawar hmuna Taliban helpawl-an bomb hmanga School beinaa thang an nih. Peshawar-a Taliban han school an bei tum khan school naupang 144 zetin thina an tuok a nih. Kha thil tunga thi zat chu an rengin mi 150 an nih.

California-ah midum pakhatin mingo 3 a kap hlum



WASHINGTON: US-a California khawpuia Fresno hmuna chun zani hmasa khan midum (black) pakhatin mingo (sap) pathum zet a kaphlum bakah midang pakhat in hliemna a tuok. Mi kaphlumtu hi Kori Ali Muhammad nia hril a ni a, second 90 sungin wavi 16 a hmepuok niin Fresno Police Chief Jerry Dyer chun a hril. Kori Ali Muhammad hi Police han an man ta a, man a ni huna hin Arabic in "God is greatest" tiin a khek nia hril a nih. Hi thil tung hi terrorist chetna ni loin vun

Himachal Pradesh-ah Bus eksiden leini mi 46 an thi

SHIMLA: Himachal Pradesh a chun zanikhan Uttarakhand a inthawk Tuni (Shimla) pana tlan private Bus pakhat chu changsuolin lamthlang rawl metres 250 vela inthuk Yamuna vadung kaupeng Tons vadung ruomah a tlatut a, mi 46 in thina an tuok. Thina tuok hai lai hin nuhmei le nuhmei naupang 10, naupang 3 le pasal 31 an thang. Hi thil tungna hmun hi Shimla-a inthawk km. 200 vela hla a ni a, eksiden tuok bus number chu UK 16 PA 0045 a nih. Hi tu ei sut chena hin mithiruong 40 hmu le laksuok a ni ta a, mithiruong pahni tui sunga inlang hmu a ni bawk tiin SP (Shimla) D. W.Negi chun a hril. Bus a hin mi 52-55 vel an chuong nia



an thaw nghan. Eksiden tung nasan tak hriet a la ni nawh. State Chief Minister Virbhadra Singh chu Delhi-ah a la um mek a, a tul le pawimaw anga sietna tuok hai sawmdawlne le thang-puina pe dingin thuneituhai a hung inhrietir. Bus eksiden-a damsuok hai lai hin bus conductor khawm a thang. (ENS)

VVPAT thar 16 lakh inchawkna ding Cabinet in a pawmpui

NEW DELHI: Election Commission in Voter Verifiable Paper Audit Trail (VVPAT) machines thar nuoi 16 le sang 15 inchawk thar dinga rawna a siem chu Union Cabinet in a pawmpui tah tiin Finance Minister Arun Jaitley chun zani zantienga chanchin-bumihai an hmpui huna a hril. VVPAT hmang hin voters han an vote thlak an dik le diknaw an hriet thei ding a nih. Tuta order nghan a ni chun a siemtu han September, 2018 velah an



Hi thil hi sukpuiting a ni chunk um 2019 General Election huna chun Polling Booth tinah VVPAT hi hmang theiin a um ta ding a nih tiin a hril bawk. Hieng VVPAT inchawkna ding hin 3,173 crores vel seng dinga hisap a nih.

Congress leader in a nuhmei a that hnungin ama an kap hlum

BHOPAL: Madhya Pradesh a chun veteran Congress leader le sundawngtu Sayeed Malguzar (73) chun Jabalpur hmuna zani zingkar inhmatakhana a nuhmei Husna (53) a that hnungin ama le ama silaian an kap hlum. Hi thil hi zani zing-

kar 5AM-a kha Nalband-a Hanumantal area-an chengna Ina tung a nih. Mr Malguzar hin Revolver hmangin a nuhmei hi hneiteah a kap a, a naupa Ahad (20) chun silai ri hrien an hnawtzui nghan a, a silai hi an chuthlak pek a, sienkhawm Malguzar hin silai dang la nawkin ama le ama an kap hlum nia hril a nih. Malguzar hi Janata Dal ticket-a Jabalpur biela election lo ngir ta hlak, municipal councillor hlui a ni a, Malguzar hi JD(U) MP Sharad Yadav laina hnai nia hril a nih.

AP-ah Central in film institute le Doordarshan channel siem ding

ITANAGAR: Arunachal Pradesh hmuna film institute le doordarshan channel le doordarshan channel a state hminga siem dingin sawrkar thlungpuiin hma a lak mek thu Union Information and Broadcasting Minister, M Venkaiah Naidu in a hril. Naidu chun press conference huna thu a hrilnaa chu thu chu a hril niin, film institute chu a bul tanna dingin temporary campus hmangin kar 10 sunga ding course siem phawt ding niin a hril a, chu course chu May 15, 2017 a tan ding niin a hril. Film institute a course hai chu sukchangtung pei ning a ta, cinema le film siemna kawnga Northeast mihai sukhmasawna din-

ga hmang le, sikll development centre pakhata nei ding niin, mi tam takin career siemna in an la hmang ding thu Naidu chun a hril. Chu institute chu Northeast thalai hai sukhmasawna dinga siem a ni tak a, Rs. 200 crore seng dinga riru-ong siem niin, Satyajit Ray Film le Television Institute, Kolkata hnuoia institute chu siem ding a nih. Hung tung ding August thla sung hin Doordarshan channel siem ni bawk a ta, chutaka inthawk chun Northeast mihai thiem thil le a ram leilung hausak zie hai suklang ning a tih. Doordarshan channel a chun thalai hai inhnik zawng, infiemna le in-sukhlumna chihran hran hai suklang hlak ning a tih tiin Naidu chun a hril. Broadcasting Minister chun Aizawl hmuna Indian Institute of Mass Communication (IIMC) chu March, 2018 huna zofel hman ding niin a hril a. Chu institute khawm chu Northeast mihai ta dingin film siemna tienga course tawi le journalism course hai inchuk theina a la ni ding thu a hril. "Chu institute a course tum tum hai chu journalist thiem le inlar, India ram hmun tum tuma mi haiin an inchuktir ding a nih. Inchuktirtu ding chu experience tam tak nei le professional ngawt ning an tih" tiin Naidu chun a hril. (TNT)

Dalai Lama inzin leini China in AP a hmun 6 hming thleng

BEIJING: Thla bul laia Dalai Lama Arunachal Pradesh-a an zin dodalin China sawrkar chun a official map-ah Arunachal a hmun 6 hai hming a thleng pha. Dalai Lama chu Northeast hmuna tum 14 an zinna a ni tah a, China sawrkarin a dodalna leia thilmak danglam tak a suklang vavikhatna a la nih. Indo-China International border a um Arunachal Pradesh chu China in South Tibet a kawp niin a hril a, Buddhist hai le inzawmna tha tak nei le an hmunpui Tibet Autonomous Region (TAR) a kawp ve niin a hril. Chinese official map-ah Arunachal chu South Tibet-ah a um a nih. Arunachal a hming a thleng hai chu China in India lakah a thilthawtheina suklangna dinga a thaw niin Chinese state media chun a

tarlang. Chinese media in a tarlang danin, South Tibet sunga hmun 6 hai chu China ram sungah sielutin an hming a thleng pek a, chu-ong hmun hai chu ramri zula um le India sawrkar rorelna hnuoia la um zing an nih. China in Arunachal a hmun hming a thleng hai chu Wogyainling, Mila Ri, Qoidngarbo Ri, Mainquka, Bmo La le Namkapub Ri hai an nih. (PTI)

Peru rama tuilien leia thi 113 an tling tah

LIMA: Tukum sunga Peru rama tuilien le chir intawl leia mihriem thina tuok chu 113 an tling ta niin zanita official thusuok chun a hril. Kar hmasa kham mi 5 an thi belsa nawk a nih. Peru rama tuilien le chir intawl leia sietna nasa tak tung hi scientist hai chun climate phenomenon "coastal El Nino" lei a nih tiin an hril a, tuilien le chir intawl lei hin mihriem 178,000 chuong zet chengna ding In nei lovin an um pha niin National Centre for Emergency Operations chun a hril. Tuilien le chir intawl hin In million 1 vel a suksiet nuol bakah lampui km. 2,500 chuong zeta sei ding a suksiet bawk a



Colombia rama khawm vadung pathum hai an luongliem leini chir intawl nasa tak a tung leini March 31, 2017 kham Mocoa town a chun naupang 100 chuong thangin mi 323 in thina an tuok a nih. (PTI)

MOLAWM FIELNA Pathienin rem a ti chun hungtung ding tarik 22nd April, 2017 (Inrinni) hin kan naupa Tv. John Lalremang le Nk. Eunice Lallawmtling, d/o Lalrohlnun Hrangchal le Lalrammawi hai naanu Kohran dan thienghlimin Saikawt EFCI Biekina an innei ding ni a. An inneina mi hung lawmpui dingin hi Chanchinbu tiemtuah po po ngaina takin kan fiel cheu. Fieltuah:- 1. Mr & Mrs Laltuoklien (A pa) 2. Mr & Mrs Biakmawia (A pa Zawlp) 3. Mr & Mrs Lalbiekthang (A u) 4. Mr & Mrs Shanti L. Zarmawi (A u) 5. Mr & Mrs Hmangchungnung (A papui) 6. Mr & Mrs Thangchuoilo (Apa zawlp) 7. Mr & Mrs Darsanglun (Apa zawlp)

JCB ZAWR A NIH JCB zawr nuom an um a. A dit le an chaw nuom hai chun a hnuoia hmangziokuomah hin ngaven ding a nih. A man chu inbiek dan izir ning a tih. -Phira Keivom Saidan, CCPur Contact No. 8731830031

BAWNG A NEITU HRIETLO MAN Bawng a neitu hrietlo kan man a, Bawng sukhmang hai chun a Bawng umdan indik taka hrilin April 22, 2017 (Inrinni) chen hin contact No. 7085343922 ah kanchieng le lakkir thei ning a tih. Hun tiem pel hnunga chun sukril a lo ni khawmin thuboui siem thei ni tanaw nih. Chun, Bawng neitu chun Chanchinbu thu insuo man le Bawng enkawl man a pek tul bawk a tih. Sd/- Chinlabiek Saidan, CCPur.

Office of the HMAR MARTYRS' TROPHY ORGANISING BOARD General Headquarters: Saikawt, Churschadpue, Manipur Motto: Inthuruolna, Inpamkhatna. HMAR MARTYRS' TROPHY ORGANISING BOARD. Hmar Martyrs'Day a wavi 27-na le inzawmin Hmar Martyrs'Badminton Tournament a wavi 5-na chu 8th -13th May, 2017 sunga HMARTOB-in huoihawt a tih. Inhnikna nei taphawt hai chun ngaven thei a nih. Categories: Singles Open Entry fee: Rs.200/- Doubles Open Entry fee: Rs.300/- Singles Junior (Under 16)..... Entry fee: Rs.200/- Entry form lakna thei hai: 1. Parate Enterprise, Light House Lane 2. Life Cafe, Rengkai Road 3. HMARTOB office, Rengkai Contact No.: 9774213120, 7085343057, 9615794598 *Last date of entry form submission: On or before the 6th May, 2017 Sd/- Lalvullien Hmar Chairman Hmar Martyrs' Trophy Organising Board Sd/- Alan Famhoite Secretary

LAWMTHU HRILNA Pile natna kan wavi leini Sa le Nga ka hme pha ni 2/3 inhnawm tha thei lovin ekinah hun sawt tak tak ka thung a ngai a. Ka tawl a hung sa a, a changin a hung puom a, ka ringtung, ka dar le kawng hai a hung na hlak. Ka beidawngin MV Azad Phusam ka pan a, hun ieman-ichen a mi enkawl a, tubin chu ka hugn dam tha ta leini ka lawm hle a. Hi Chanchinbu hmang hin MV Azad chungah lawmthu ka hril. MV Azad Phusam hi ni-tin 8 AM - 4PM inkarah Teddim Road, Old Bazar-a Lamka ICI Church Road-ah pan thei le contact Nos. 8014025567/ 7628890261 haiah inbiekpui thei a nih. Lawmthu hriltu, Sd/- Ngaihnang New Lamka

UN in Intl. Yoga Day-ah stamps insuo a tum UNITED NATIONS INTERNATIONAL DAY OF YOGA. KUM 2016 KHAN UNPA chun classical Carnatic music singer M.S. Subalashmi chawimawina le kum 1966-a UN huna 50th anniversary concert a nei hrietzingna dingin stamp a lo insuo ta bawk a nih. UN stamps insuo ding New York, Geneva le Vienna haia UN facilities haia inthawk lekthawm le thih thawnaa hmang thei a ni ding a nih. (PTI)

Ruol Pâwl Tam Lo Hlim Tho, Victoria Beckham

LOS ANGELES: David Beckham a nuhmei, The Spice Girls band-a khawm ze ngui pawl, tuta fashion designer inlârtak le hausatak ni tah Victoria Beckham chun ruol a pawl tam bek nawa chu a hmangaitakhai kawlah a um zing lein ruol a ngai hran chuong naw niin a hril. Elle magazine cover-a dinga hmang a nina le inzawmin, "Ruol ka hau nawa chu mi ka pawl nuom le ka umpui nuom indiktakhai leh kan inpawl hlaka. Ka khua a sâwt ngai nawh" tiin a hril.



Victoria Beckham hin ruol a pawl nguntak chu an thlai suongtu chef Gordon nuhmei Tana Ramsey a nih a. Spice Girls-a a ruolhai Mel C le Emma Bunton an nih baw. Zani khan kum 43 a tling

lâwmna khawm Mel C le Emma han birthday wish an hung thawn. Victoria, Mel C le Emma hai hi an inpawl ngei em em a, Spice Girls indin thar nâwk chen dam an tum a nih.


Emma chun a birthday wish-in, "Happy birthday gorgeous lady! Hope you're getting spoiled. Have an amazing birthday week. #specialmemories" tiin ni danga an thlâlak leh a post. Mel C chun, "Happy birthday to my dear friend and Spicy sister!" a ti a, an hlim dar dar hle.

Min zakuo man to tak tak an hak laiin \$47 man chau chau dam a hak a. Ruol pawl hman lova an hril zing laiin tuk tin darkar hni Gym ah exercise a lak hman zing baw. "Ka tho a, ka workout (routine exercise) chenve - darkar khat - ka thaw a. Ka nauhai ka kei tho a, breakfast ka pek a. Sikul ka thak a. Ka hung kirin darkar khat ka workout nâwk a. Kan sil fai a, sin ka tan hlak.

"Gym-a ka umlai hin idea tamtak ka nei hlak - ka hun tha a nih. Sin a inthawka ka hung kir chun thingpui dawn hun, insil hun, home workout hun, zal hun a hung inzawm pei tah a. Brooklyn inah a um chun inbiokpui ka nuom hlak a. Chulein, zântieng chu hunaw! ka nei mang tah ngai nawh" tiin, mâni pasal le insung ngai pawimaw tak, thau thei lo inphân, zâng vâka um zing Victoria chun inkhat nu a nina anga a hun hmang dan a hril.

Malin Andersson, Nalna Dingin Plastic Surgery Thaw

LOS ANGELES: Kum 24 a upa reality TV star, "Love Island" a changtu Malin Andersson chun zakuo hnuoi (bikini) le chauh um hi inhawi a ti taka chu, a piengzie nal an ti naw lein inhawi ti naw châng le inzak châng a nei hlak a, an pholang tha ngam ngai naw lein taksa (figure) siemthatha dingin plastic surgery (operation) a thaw el niin a hril.



mâni ingaihnuoia 'self-conscious' taluo ni ka tum ta nawh" tiin a hril. Zawngsak ta laklâw an hril ang deuin, a huntâwk hrein an hrila chu, a hner lai chite siemthât tûl a um lein chu chu a siemthaa, thil dang chu a hmel iengkhawm a siemtha naw niin a hril.

Malin hin a piengzie danghaia chu awm an ti ve tho. Amiruokchu, a nene a mar tâwk nawa a hriet lein an dawm martir met a, an sukpuom saa. A mawngbawr an sukpwang, dawm tung metin, a phing vela thau an lak thlâk met baw a. Instagram ah an lang nal theina dingin a figure an siem tha niin a hril.

Heat magazine le interview an neinaa chun, "Love Island" an siem lai le plastic surgery a thaw hma khan chu ama le ama an sit hlak a. Screen ah mâni inringzo tak angin inlang sienkhawm sungrii taka chu a ruolhai figure lo buoipuiin a lo ingai sie thei em em niin a hril. "Ka ruolhai chun nene tha tak an nei vawng a. Keia tieng camera'n a mi hung tin pha chu ka bra sângang thil ka hnawa ka sukpuom fâwm hlak" tiin a hril.

Malin chun, online ah thlâlak a upload ding zatin siemfâwm met a tul hlak a. A nene mar tâwk naw mi han an sawisêl hla kana chun sukmar met dinga operation an thawtir niin a hril a. Tuta a figure thar tak hi lawmin, "Tuin chu iengkim, tight deu khawm ka hak thei vawng tah. Ka selfie changtieng, vawitieng, khaw tieng tieng inthawkhawmin la lang, ka lung a awi vawng tah" tiin a hril. Hmatiang a nene bal mar tawn tawn lim le tui ke ring chenah bikini leh a ngir lai lim a share a, a nal ta baw a nih.

A taksa insemthât nuomma hi social media lei a nih am ti zawn dawnin, "Aw ni e. Social media lei a nih tak. Anachu, tuin chu mâni le

Kourtney Kardashian-in 'Birthday Suit' A Share

LOS ANGELES: Nau pathum nei tain kum 38 a tling taa chu reality TV star le "Keeping Up With the Kardashians" star Kourtney Kardashian chun a piengchampha le inzawmin a pieng laia umdân (sarook) ang chara a puittling hunga a thlâlak "Birthday Suit" tia a ko chu Instagram-a a hnung zuit 56 million hai a share a, a nal bawka an dit tâw hle.



Jylie Jenner (19) hai an nih. An nu Kris Jenner chun Instagram ah a nauu upatak chu, "Happy birthday beautiful @kourtneykardash!! I pieng nia inthawkhin hlimna nasatak i mi pek a nih. Hlimna le lawmna, hmangainahai i mi pek a, kei le mi dang tamtak kuomah. Nu, unauu, ruoltha le nau thatak i ninahai, thuin a hril sêng lo hmangainan ka hmangai che, sungtieng le puotieng i tha vawng, ka naute. Ni inhawitak hmang rawh, Mommy #love #family #grateful #happybirthdaykourtney" tiin a post a. Zana a birthday hi ropuitaka la lâwm an tum a nih.

Kourtney hin sarook vawng tui an sil lai, a sam dum sei hnup el tuiah hmatiang a hei phôm a, a tungin hnungtieng a hei thena tui an dar sung sung lai elektrikin a hung khaw eng sur lai lim a post a, minute 30 sung chauvin 220, 000 in an 'liked' hman a nih.

Kourtney insilna hi swimming pool zan elektrik varin a sun eng phuot lai a nih a. A sir zâwngin sarook vawng a nih ti an lang thei a. A phing thei dakin a kawng iner tawin, a sir zawngha inthawka a nene bal le hmur inlang ding a banin a thup chara, danin a phal chen a sarookna an lang a. Thup ding pohai thupna ding zakuo hnuoi iengkhawm a hak nawa chu, camera-a inlang lo ding charin an veng them a nih.

Hei en chun nau pathum nei tah sien a hawi nawh. Scott Disick leh nau pathum, Mason (7), Penelope (4) le Reign (2) an nei a. Kardashian hai unau upatak a nih. Ama dawtah Kim (36), Khloe (32) Rob (30), Kendall Jenner (21) le

Chloe Goodman Maldives Tuipui Kamah

MALDIVES: Nunghak that vanglai tak, "Ex On The Beach" star kum 25 Chloe Goodman chu a kum nêkin an lang lienin a upa met el ta awm ti laiin, a piengzie po po inlang vawng thei dingin Maldives tuipui kamah châwl hmanga lawng-phek khal inchuka zakuo hnuoi kekawrtle le bra inkawp (bikini) hâka a hei che vel chu, lo thlirtuhai mit a thlai hlie hlie a nih.



Beach" ah kha a nih a. Chu zo kum khat hnungah "Celebrity Big Brother" a hung chang nâwk a. TV tieng a hung inlâr nâwkna chu EOTB "All Star Edition" ah kha a nih.

Kar hmasak lai kha a unu Lauryn leh Maldives thlierkara châwl hmang dingin an inzin a. Thawleni kha ama khatin tuifinriet kama insukdei dingin hun a lo hmang a. Maldives jubi tui inhnik an hril dawnin, lawng-phek (surfing boat) ngir puma khal dan hai an chuk a. Zakuo hnuoi chau hak a nih lein thup ding po a thupa chu a taksa dang an lang vawng lein ngaituo sei rak ngai lovin hmu thei vawng a nih.

A bikin (zakuo hnuoi) sendang, a hma pum, nene bal pahni inphir tawta inlang thei, mawng bawr khawm inlang vawng thei kekawrtle le inkawp hâkin a siemtha deuh zing a. Nisa lum hliet dingin tarmit inbiel kuou el a bun baw a. A sam dum thlap hu hnaka inkhai thla sar chu a lawn malamin an vuong chie chie zing a, en nuom um tak chu a nih.

Chloe Goodman hi a kum nêkin an lang upain a lien lem a, a puittling lem baw a nih. A hmêl en naw ang takin a lungrii a puittling a titak baw. Chloe hung inlâr tanna chu 2014 a MTV inaugural series "Ex On The

Beach" ah kha a nih a. Chu zo kum khat hnungah "Celebrity Big Brother" a hung chang nâwk a. TV tieng a hung inlâr nâwkna chu EOTB "All Star Edition" ah kha a nih. A hmêl that lei le pieng infuk bâkah a ze lei le them lein a hmang an thang awl, pasal tamtakin an hnawtzu baw. Vanguoi thlâk takin CBB a Stephan Bear leh an insel buoi lein EOTB a inthawkin a suok a. EOTB an chang lai Ashley Cain leh an in-kiss lai Ashley ngaizawngnu Talitha-in a lo hmu lein thubuo an nei hman met baw a. A umpui Jeremy Jackson (35) leh thubuo an nei baw, a umna an sawn hlawl a nih.

"The Fate of The Furious" in \$135 Million Hmu

LOS ANGELES: "Fast and Furious" serial a tawpnatak dinga hril tah "The Fate of The Furious" chun ni hni sung chauvin China territory ah \$135 million a lam suok hman a nih. "Fast and Furious" series a chu "Furious 7" dawtah sum hui lut rawntak dawt a nih tah. "Furious 7" kha \$147.2 million a hmu suok hman a nih.



bâka hin off screen thu, a changtu ve ve Vin Diesel le Dwayne Johnson hai kâra inhrietthem nâwna um anga hril rikin a sukhuoi pha baw niin an hril. Asan chu "Fast and Furious" chu sângkuo inthuruol tak chanchin a ni lein inthuruol nâwna uma hril hin burok a suksiet a nih.

Universal hai movie series hlâwtling tak hin tuta ang peia sum a hui lut tha chun, châwlkâr khat sung chau khawmin khawvêl record cheltu "Star Wars: The Force Awakening" \$529 million lam suokta a la khum thei ding niin industry them hai chun an hril. "The Fate of The Furious" hin "Furious 7" nêka mi a hip nâwna chu a changtuah them naw lei ni lovin. "Furious 7" kha chu a changtupa Paul Walker, 2013 car accident-a thi hrietzingna dinga siem a ni leia nginat a hlâw lei niin an hril.

Tuta "The Fate of The Furious" hi chu Walker a thang ta nawh a. Mi thar Charlize Theron le Helen Mirren hai an thanga, an suknal hle bawka chu Walker ang chun effect an nei phâk naw deu a nih. Hi

Vin Diesel le Dwayne Johnson kar thuboi le inzawmin New York premiere tum kha Johnson chu thil umdân indawn a nih a. Iengkhawm a hril naw lein an kar thui iem a nih tak chu a um niin an hriet a, chu chun a film fe ding ang takin a sukfe naw pha niin an hril. En ruok chu hmu nuom um tak a nih. A siemna ding hin \$250 million sêng a nih, "Fast and Furious" series lai chu sêngso a la tamtak baw a

Lady Gaga, Bradley Leh Khawlaia Infâwp Hmu

LOS ANGELES: Lady Gaga ma ma, hla a sak leh a chepui, film shooting a thaw leh a che pui, ngaizâwng a nei leh a lak ursun, a thawna tieng tieng chanchin a nei naw thei nawh. Iengkim thafan tak le nasataka thaw hlak, pawisak inhrawl Lady Gaga chun a film changna hmasatak ding "A Star Is Born" ti Bradley Cooper leh Los Angeles ah shooting an thaw lai, uolau takin Brad-

ley chu a kiss mawl Mit le camera lo entule. A film hi 1976 Barclassic siemthât nâwk a screen lien cinema a tak ding a nih. Bradley tupa ni bakah director ding a nih. Bradley zu ngawlvei, Lady Gaga inlâr taka siemtu lem a. Lady Gaga hin tuon le booth bunin, dum chungah savun uk phawk deu a hak a. A zalin an khaithla puma. Jean kekawr le savun kamis var phawk hâkin, a sam le hnerhmul inthir hrutin pa khukin, Lady Gaga det deua kuoin an infâwp mawl mawl el a nih. Lady Gaga hin lâwm leia a fawp nih takin an lang.



mawl el a nih. hai mit a thai hle. bara Streisand nih a. Lady Gaga changna hmasak khawm, a chang-a nina hmasatak chun movie star hlawtlingtak le chang ding a nih. leather kekawr leather Jacket waist-coat sensam sen thal sei Bradley khawm pheikhawk le

Shooting an thawna hi petrol zawrna hmun (gas station) a nih a. Ngir puma an in-kiss zo leh, Bradley chu Bike chungah thungina malpui chung a Lady Gaga a va thung nâwk a. Thung pumin, an kaw lai mi an um zinga chu tukhawm an uksak nawh, an infâwp det sau sau ringawt el a nih. Petrol pump-a thawkhai khawma an uksak nawh, an ning ning an ning a, Camera hai ruok chun an lâwm hle.

khan Instagram a fans-hai kuomah, "Movie ka changna hmasatak dingah, ka ruoltha tak tia ka ko leh kan chang dung ding a na, ka phur tah hle. Big screen actress ni ka nuom zing hlak a. 'A Star Is Born' ti hi a special em em a. Ka beiseina mi sukpuittling-pektu Bradley chungah ka lâwm hle" tiin a post.

A film-a changtu dangghai chu "The Ranch" changu Sam Elliot chun Bobby angin chang a ta. Andrew Dice Clay chu Lorenzo ning a ta. Lady Gaga chu a "star" tak, hlawtlingtak le inlâr tan mek a ni ding a nih.

CHAMPIONS LEAGUE:

Cristiano Ronaldo Hattrick hmangin Real Madrid chun Bayern Munich 4-2 in an hne a, Atletico Madrid chun Leicester City beiseina a suktawp baw

Champions League Quarter Final 2nd Leg inkhelna Thawleni zan kha pahni a um a; a hmasa lemah English Champion Leicester City chun Spanish Club Atletico Madrid an lo mikhuol a, 1-1 in an inhnetawk. Anachu Leg 1 a kha Atletico Madrid 1-0 in an lo hrat lem ta lein aggregate goalah Atletico chu 2-1 in an hrat lem ta, Semi Final an kai lem ta a nih. Hi inkhela hin Atletico tieng Saul Niguez chun minute 26 naah goal hmasa a thun a, half hnung minute 61 naah Leicester tieng Jamie Vardy hmangin goal khat an thun ve a, anachu an goal po po belkhamin a dai naw lein Semi Final kai an inbeiseina chu a tawp ta a nih.



a thun a, chu an goal bat chu minute 76 naah Cristiano Ronaldo chun a hung thungkir a. Minute 78 naah Real Madrid Defender Sergio Ramos chun anni goal tieng a thun pal a, hun a tawp zui nghal a, aggregate goalah 3-3 in an inangtaw a, away goal pahni ve ve neiin home goal pakhat ve ve an nei lein hun belsa a nih. Hun belsa minute 105 naah Cristiano Ronaldo bawk chun goal a hung thun nawk a, chu hnung minute 110 naah ama bawkin thun nawkin hattrick a hung siem a. Bayern ta ding chun beisei a bo thawkkhat ta hle. Real Madrid hai hratna sukchieng nawktu dingin minute 112 naah Marco Asensio chun

goal dang mawi em emin a hung thun nawk a, hun tawp chenah goal dang a lut sap ta naw lein Real Madrid chu aggregate-ah 6-3 in an hrat lem a, Semi Final an inhlangkai ta a nih.

Real Madrid hai hi a zawnna kum 7 Semi Final an kaina an ta a, Cristiano Ronaldo khawm Champions League-ah goal 100 thun thei hmasa tak a hung ni ta a nih. Hi inkhela hin hun panggai minute 84 naah Bayern player Arturo Vidal chun Red Card a hmu a, hi an tlawm lem hi Real Madrid chun an hmang t angkai hle tina a nih. Real Madrid hin goal zawnna shot vawi 11 an nei a, Bayern Munich ruok chun vawi 3 char an nei ve thung.

14th HMAR MARTYRS' TROPHY 2017: Pool D-ah Neihzial Veng YC Knockout an kai a, a dang po a la chieng nawh



Zani khan Hmar Martyrs' Trophy a vawi 14-na Group stage inkhelna fe mekah Pool D hai a vawihmina seng ding an inkhel a. Inkhel vawihnia vawihni hrat Neihzial Veng Youth Club chun knockout a dingin hmun an siem fel tah a, Team dang pathumhai ruok chu an la chieng naw vawng.

Inkhel hmasaah Zoheisa FC le Zawlbuk FC an inkhel a, a hrat bik um lovin 1-1 in an inhnetawk. Zoheisa ta dinga goal thuntu chu Khamminthang (10') a ni a, Zawlbuk FC ta dingin minute 21 naah David Lalringlien chun goal a thun baw. Hun tawp chenah goal dang a lut sap ta nawh. Hi inkhela hin Yellow card pakhat ve ve'n an hmu a, Zawlbuk

tieng an goal thuntu David Lalringlienin a hmu a, Zoheisa tieng Gouminlunin a hmu baw.

Inkhel pahnaah vawihni tawp final lo kai ta le tukum khawm Cup la thei dinga ring kai ve pawl Lamka Sports Club le Neihzial Veng Youth Club an inkhel a. NVCY chun Michael hmangin minute 8 naah goal hmasa an thun a, chu hnung minute 16 naah Lunneu chun LSC ta dingin an goal bat a hung rul a. Half hnung minute 55 naah Michael bawkin NVCY ta dingin goal pakhat a thun sa a, hun tawp chenah goal dang a lut sap ta naw lein NVCY hi 2-1 in an hrat lem ta a nih.

NVCY ti naw po chu knockout kai theina chance

an la nei seng a. LSC hai chance a tha tak. Asan chu draw ringawt khawma an kai phak ding a nih. Zawlbuk FC hin match tawpna takah LSC hai an hne naw chun an kai chungaw naw ding a ni a, chungaw ang bawkin Zoheisa khawmin NVCY hai 9-0 beka an hne naw chun an kai chungaw naw ding a nih. Khawm chu LSC an hrat naw/draw leh a la ni chau a nih. Ieng ieng khawm ni sien match pathumna chu en inhawi hle dinga ngai a nih."

Pool D Standing (Match 2 seng zovah) table with columns: Pos, Team, Pl, GD, PTS. Rows include 1 NVCY, 2 LSC, 3 Zawlbuk FC, 4 Zoheisa FC.

Sasikala le inzawmna sukchat an tum tah

CHENNAI: Tamil Nadu Chief Minister hlui le AIADMK chief Ms J.Jayalalitha thi hnunga AIADMK sunga buoina le inthedarna hung um chungthuah tuta faction pahni hai pumkhatta um thei nawkna dingin Tamil Nadu-a sawrkarna siemtu AIADMK pawl chun jaila a intang mek an general secretary Ms V.K. Sasikala le a unaua T.T.V Dinakaran hai chu party thil le an inzawmna hrim hrim sukchat dingin thutlukna an siem tah.

inrawitu O. Panneerselvam chun, Ms Sasikala le a sungai party-a an la thang sung chun AIADMK faction pahni hai pumkhatta um a remti ngainaw ding thu a lo hril ta a. Hi le inzawm hin sawrkarna siemtu AIADMK pawlin an party pumkhatta an um nawk theina ding ngaituo Sasikala le Dinakaran hai hi party le an inzawmna sukchat dinga zani hmasa Chief Minister EK Palaniswami chengnaina meeting nei huna an rel a nih. Meeting huna hin minister 12, MLA 6 le MP 2 hai an thang.

14TH HMAR MARTYRS TROPHY 2017 FIXTURE: April 20, 2017. Table with columns: Time, Team, Opponent.

UEFA CHAMPIONS LEAGUE TOP 5 LEADING GOAL SCORERS (As on 19th April 2017) table with columns: Pos, Player, Clubs, Goal, Club/Clubs.